



Broj: 02-04-3-2339

Datum, 22.11.2021 godine

Na osnovu člana 70. i 64.b) Zakona o javnim nabavkama („Sl. glasnik BiH“, broj 39/14), i člana 89. Statuta Grada Goražda („Službene novine Grada Goražda“, broj: 5/18), u skladu sa Rješenjem URZZ Filijala Mostar broj: JN2-03-07-1-2916-7/21 od 08.11.2021.godine, Gradonačelnik Grada Goražda donosi

ODLUKU
o izboru najpovoljnijeg ponuđača

Član 1.

Okvirni sporazum o nabavci i isporuci peleta za grijanje za potrebe Grada Goražda, Profesionalne vatrogasne jedinice i JU za predškolski odgoj i obrazovanje, dodjeljuje se najpovoljnijem ponuđaču Hifa Petrol doo Sarajevo, za ponuđenu ukupnu cijenu u iznosu od 51.200,00 KM bez PDV-a (ponuda broj: JN-4425/21 od 22.09.2021.godine).

Član 2.

Prijedlog Okvirnog sporazuma će se dostaviti na potpis izabranom ponuđaču, najkasnije u roku od 15 dana nakon isteka roka za žalbu, pod uslovom da se ne izjavi žalba na ovu Odluku.

Izabrani ponuđač je obavezan u roku od 10 (deset) dana od prijema Odluke o izboru najpovoljnijeg ponuđača, dostaviti ugovornom organu-komisiji u originalu ili ovjerenoj kopiji dokaze lične sposobnosti propisane u tački 1.2. od (a) do (d) strana 6 tenderske dokumentacije, ne starije od 3 (tri) mjeseca od momenta dostavljanja ponude, ovjerenu kopiju Bilansa stanja i Bilansa uspjeha za 2020.godinu.

Član 3.

Ova odluka će se objaviti na web-stranici Grada Goražda istovremeno s upućivanjem ponuđačima koji su učestvovali u postupku javne nabavke.

Član 4.

Za izvršenje ove odluke zadužuje se nadležna komisija.

O b r a z l o ž e n j e

Postupak javne nabavke peleta za grijanje za potrebe Grada Goražda, PVJ i JU „Za predškolski odgoj i obrazovanje“ pokrenut je Odlukom o pokretanju postupka javne nabavke broj: 02-04-3-2339 od 28.06.2021.godine. Obavještenje o nabavci broj: 413-1-1-21-3-16/21 objavljeno je na portalu javnih nabavki 28.07.2021. godine i „Službenom glasniku BiH“ broj: 47 od 30.07.2021.godine.

Procijenjena vrijednost javne nabavke za dvije godine bez PDV-a iznosi 51.280,00 KM. Komisija za provođenje postupka predmetne nabavke imenovana je Rješenjem Gradonačelnika Grada Goražda broj: 02-04-3-2339 od 28.06.2021.godine

Na osnovu izjavljene žalbe ponuđača HIFA PETROL doo Sarajevo, URZŽ Filijala Mostar je donio Rješenje broj: JN2-03-07-1-2916-7/21 od 08.11.2021.godine, kojim se poništava Odluka o izboru najpovoljnijeg ponuđača broj: 02-04-3-2339 od 24.09.2021.godine.

Shodno Rješenju URZŽ Filijala Mostar broj i datum prethodno navedeni, ugovor se dodjeljuje ponuđaču Hifa Petrol doo Sarajevo za ponuđenu cijenu u iznosu od 51.200,00 KM.

Iz naprijed navedenih razloga, primjenom člana 64. stava (1) tačka b) Zakona o javnim nabavkama odlučeno je kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi, putem ugovornog organa.

DOSTAVITI

1. Ponuđačima, 4x
2. WEB stranica Grada Goražda,
3. U dosije,
4. a/a

GRADONAČELNIK

ERNEST IMAMOVIĆ

